

Nefndasvið Alþingis,
Félagsmálanefnd,
Þórshamri v/Templarasund,
150 Reykjavík.

Reykjavík 19. febrúar 2003

Efni: Umsögn um frumvarp til laga um breytingu á lögum nr. 46/1980, um aðbúnað, hollustuhætti og öryggi á vinnustöðum, 550. mál.

Frumvarpið gerir ráð fyrir því að lögfestar verði meginreglur tilskipunar ráðs Evrópusambandsins 93/104/EB, um atriði er varða skipulag vinnutíma. Frumvarpið kveður á um að teknað verði upp meginreglur tilskipunarinnar um daglegan hvíldartíma, hlé á vinnu, vikulegan frítíma, hámarksvinnutíma á viku, vinnutíma næturvinnustarfsmanna og rétt þeirra til heilsufarsskoðunar.

Frumvarpið kveður einnig á um að lögleiddar verði ráðstafanir er stuðla að bættu öryggi og heilsu starfsmanna á vinnustöðum í samræmi við tilskipun ráðsins 89/391/ EBE. Tilskipunin hefur m.a. að geyma skyldu atvinnurekenda til að meta áhættu í vinnu umhverfi fyrir öryggi og heilsu starfsmanna.

Í lögum nr. 46/1980, um aðbúnað, hollustuætti og öryggi á vinnustöðum, er m.a. kveðið á um að atvinnurekandi skuli tryggja að gætt sé fyllsta öryggis og góðs aðbúnaðar og hollustuhátta á vinnustað og verður að ætla að forvarnir og heilsuvernd á vinnustöðum sé þegar eitt af verkefnum eftirlitsins, eins og sagt er í athugasemdum við 18. gr. frumvarpsins.

Í frumvarpinu eru ítarlegri ákvæði um að atvinnurekandi beri ábyrgð á að gert sé sérstakt áhættumat þar sem meta skal áhættu í starfi með tilliti til öryggis og heilsu starfsmanna og áhættuþátta í vinnuumhverfi.

Við gerð áhættumatsins skal sérstaklega litið til starfa þar sem fyrirsjáanlegt er að heilsu og öryggi starfsmannanna sem sinna þeim sé meiri hættu búin en öðrum starfsmönnum og skal atvinnurekandi leita aðstoðar til þess hæfra þjónustuaðila krefjist aðstæður færni sem atvinnurekandi eða starfsmenn hans hafa ekki yfir að ráða.


Félagsmálaráðherra setur nánari reglur um framkvæmdina þar sem sérstaklega er vísað til sérreglna um áhættumat að teknu tilliti til eðlis starfa, stærðar vinnustaða o.fl. Ljóst er að öll nánari framkvæmd mun að miklu leyti ráðast af reglum sem frumvarpið mælir fyrir um að settar skuli.

Einnig eru lagðar til minniháttar breytingar í framhaldi af tilskipun ráðsins 94/33/EB, um vinnuvernd barna og ungmenna. Frumvarpið gerir ráð fyrir að hlutverk Vinnueftirlits ríkisins í markaðsgæslu og markaðseftirliti með þeim tegundum véla og tækja sem falla undir gildandi vinnuverndarlög verði gert skýrara frá því sem verið hefur.

Fagmenn til sjós og lands!

Lagðar til breytingar á skipulagi Vinnueftirlitsins hvað varðar verkaskiptingu forstjóra og stjórnar. Gert er ráð fyrir að forstjóri beri lagalega og rekstrarlega ábyrgð á eftirlitinu en stjórn þess beri m.a. ábyrgð gagnvart ráðherra á faglegri stefnumótun eftirlitsins.

Eins og berlega kemur í ljós hér að framan þá er með frumvarpi þessu fyrst og síðast verið að fella inní íslensk lög ýmis ákvæði úr vinnutímatilskipun Evrópusambandsins ákvæði sem munu bæta stöðu launþega á vinnumarkaði í næstu framtíð. Í ljósi þessa hefur Vélstjórafélag Íslands ekki fram að færa athugasemdir við frumvarpið.

Virðingarfyllst
f.h. Vélstjórafélags Íslands


Helgi Laxdal, formaður